



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Svccinctam Doctrinarum Asceticarum Svmmam Comprehendens - Quam
ad majorem omnium in Ascensi proficere cupientium utilitatem ac
subsidium

Lohner, Tobias

Dilingæ, 1685

§. 13. De Acedia.

[urn:nbn:de:hbz:466:1-48214](https://nbn-resolving.org/urn:nbn:de:hbz:466:1-48214)

suavitate in se recurrunt. Nesciunt se subdolè, artiosèque tractare. Nolite contemnere hos pueros de quibus Dominus ait: Nisi conversi fueritis, & efficiamini, sicut parvuli, non intrabitis in regnum caelorum. Aliud medium suggestit alius, qui dixit: sicut tormenta bellica majora si muro allidantur, perficiunt; si in saccum laneum deferantur, non penetrant & sine noxa sunt; ira litigantes ac contentionum amatores si in mitem incurrant, vim amittunt nocendi; autem in sui similem offendant, utrinque detrimentum contrahitur.

§. X I I I.

De Acedia.

I. Est tœdium Spiritualis boni, quo quis negligenter bona debita inchoare, aut cœpta perficere, ut S. Bernardus describit; de quo, cum ijs, qui perfectioni student, maximè periculosum sit. Meritò Asceta in extirpationem illius totis viribus incumbere, &, quoniam tepiditatis potissimum nomine apud viros DEO sacrato exprimitur, tria de illa specialiter advertere debet.

II. Primò itaque bene apprehendat, quid sit Tepiditas ista, & quæ sint Indicia illius; nimirum quòd aliud nihil sit, quàm remissio Fervoris in prima conversatione concepti: nam, ut S. Bernardus sapienter advertit, tepescimus processu temporis à fervore conversationis nostræ: Paulatim refrigescit caritas, abundat iniquitas, ut consummemus carne, qui Spiritu cœperamus: inde enim est, ut minùs ea sciamus, quæ à DEO donata sunt nobis, indevoti pariter & ingrati. Timorem Domini relinquimus, Religiosam omittimus solitudinem, verbosi, curiosi, faceti etiam detractores &

Mur-

Murmurantes, vacantes nugis, fugitantes labores disciplinæ, quoties sine nota id licet, quasi verò confestim sit etiam sine noxa.

III. Secundò: bene quoque apprehendere debet gravitatem hujus morbi, ut ad ejus curationem suscipiendam tantò vehementiùs incitetur; Quam quidem gravitatem colligere potest ex eo, quòd juxta SS. Patres tanta sit potentia & vis hujus tepiditatis, ut quem semel absorbit, semper ferè retineat.

IV. Tertio pertinet ad Ascetam, ut solidum & efficacem sciat modum curandi hunc morbum, qui quidem modus in sequentibus Industriis consistit. 1. Ante omnia conetur tollere radicem morbi, & quia plerumque hæc Tepiditas ex inordinato amore seu concupiscentia alicujus rei creatæ oritur, hanc efficaciter subtrahere studeat; alioqui enim frustra alia media adhibebit. 2. Medicorum more suaviora quædam illi remedia proponat, qualia sunt in primis Oratio ad DEUM, uti suavitè S. Augustinus dicens: Agnosce te in illa tentatione tædij, cùm adest, & clama ad Dominum, ut de necessitatibus tuis etiam hîc liberet te. Et de hac tentatione liberatus cùm fueris, consteantur illi miserationes ejus. Deinde suadeat illi, ut ipse quoque DEO cooperetur, & pro viribus resistat Acediæ, honestis occupationibus se onerando. 3. Si hæc nihil proficiant, severiora & magis amara remedia adhibeat, ostendendo ei, in quàm malo statu versetur, & quanto periculo, ne evomatur ex ore DEI, & Vocatione sua excidat. Jubeatur considerare, quid in vitæ termino de hoc suo vivendi modo sit sensurus, revocenturque ei in memoriam illa S. Bernardi verba: Quis ille pavor erit, ô Anima mea, cùm dimissis omnibus, quorum
tibi

tibi est tam jucunda presentia, tam gratus aspectus, habitatio ipsa tam familiaris, sola ingrediens incognita penitus regionem, occurrentia tibi catervatim rursus terretima illa monstra videbis? Quid tibi in die tam necessitatis occurret? Quis tuebitur à rugientibus paratis ad escam? Quis consolabitur? Quis deducet? Imò moneatur, ut hanc suam miseriam ex aliorum peccatorum vita cognoscere studeat, sicut S. Gregorius suavitè his verbis: Scribitur in Job: Considerate Semras Theman, Austri, inquam, sive teporis, quia quæ nobis minùs dijudicanda credimus, quàm sint turpiter in aliorum actibus cognoscimus. Sicque fit, ut semetipsum mens redeat, & agere, quod reprehendit, erubescat: Quasi enim à speculo fœda facies displicet, cum mens à vita simili, in seipsa, quæ aversetur, videt. Denique si Tepiditas hæc nimis actas radices fixisse videtur, imitetur exemplum illorum Medicorum, qui in simili Casu longiorem curam per acidulas vel alias Medicinas suadent, hortenturque, ut in solitudinem Spiritualem secedens, Sacram Exercitationibus vacet, & tum ex Peccatorum suorum novissimorumque seria meditatione, tum ex vita & Passione Christi considerata, aliisque piis exercitiis hoc secessu obiri solitis ignem & fervorem caritatis in se accendat, quo tam noxiam tepeditatem fuget.

§. XIV.

De Detractione.

- I. Est alienæ Famæ injusta denigratio; de qua sequentia nôsse debet Asceta.
- II. Primum est, ut bene cognoscat, quantum studio